



# 50 milyon dolar manke: LSDAN [VS 'S' \_ W] a bMS

**S**a bann deryen zour tou latansyon i lo larestasyon e detansyon ordonnen par lakour en biznessmenn tre popiler e son madanm. Rapòr in konfirman ki sa bann arestasyon i afilye avek sa fame 50 milyon dolar disparet ki tou Seselwa i okouran. Anplis ki sa, zarm ilegal e aminisyon in osi ganny dekouver kot zot rezidans e lanket lapolis i kontinyen dan sa de ka.

Sa bann devlopman i ariv apenn en semenn apre ki US ti fer son konferans de pres dan lekel lider parti, Dokter Herminie, in pas letan gognard gouvèrnman LDS konmkwa zot pe zis fer bann lakizasyon dan vid o-size sa 50 milyon. La ki ka i devan lakour, Dokter i bezwen anval son lalang. Lo son kote, Lider Lopoziyon ti promet ki i pour al rod sa 50 milyon me Komisyon Anti Koripsyon in bouz bokou pli vit ki li. Tou dimoun ki annan enpe lespri ti konnen ki sa deklarasyon Lider Lopoziyon ti zis en

manipilasyon politik.

Malgre tou kritik dirize kont Komisyon Anti Koripsyon, zot in demontre ki zot kapab fer lanket dan tou konfidansyalite e anmenn rezilta. Determinasyon gouvèrnman LDS pour donn komisyon bann pouvwat neser atraver lamannman lalwa in sertennman ede pour anmenn rezilta pozitif.

Lefikasite sa gouvèrnman dirize par Wavel Ramkalawan i evidan pour tou Seselwa trouve. I en sistennm baze lo lazistis. Apenn trwa mwan pase, gouvèrnman ti pas en lalwa pour ogmant santans pour posesyon zarm e donn en moratoryonm pou retourn avek zarm san prosekisyon. Sa i latitud en gouvèrnman enklisiv ki donn tou sitwayen loportinite en dezyennm sans. Malerezman pa tou sitwayen ki servi sa bann loportinite e bann zarm ki'n ganny retrouve kot rezidans sa biznessmenn an kesyon i devret alert nou tou lo danze bann zarm ilegal dan pei. Malerezman nou



*Lefikasite sa gouvèrnman dirize par Wavel Ramkalawan i evidan pour tou Seselwa trouve.*



*Zarm ki'n ganny retrouve kot rezidans sa biznessmenn i devret alert nou tou lo danze bann zarm ilegal dan pei.*



*Sa ka disparisyon 50 milyon dolar i devan lazistis I reste pou nou war rezilta travay bann lotorite*

annan en listwar kot bann ki ti pre avek rezim koudeta ki kapab kit en armri se zot. Zot ti parlao lalwa. Antretan ki lazistis i pran son parkour, gouvèrnman LDS i reste determinen pour donn pep Seselwa en

kont randi lo bann larzan ki'n disparet e fer le neser pour garanti ki Seselwa i viv an sekirite. LDS i kontinyen gard son promes par aksyon konkret e tanzib. Finalman alegasyon koripsyon nepli en persepsyon.

# Prezidan i annan lespwar dan lazenes Seselwa



zenes kont labi sibstans.

Depi zour prezidan Ramkalawan in antre dan lofis i pa'n zanmen rat sans pour enterakte avek lazenes. Pour bann ki fer byen dan domenn sportif, edikatif ou lezot, Prezidan i toultan fer letan pour zwenn avek zot, felisit zot e servi zot legzanp pou enspir lezot zenn.

Diferans avek sa ladministrasyon se ki i pa met parol dan labous zenn me ankouraz zot pour eksprim zot menm libreman san kree group baze lo afliasyon politik zot paran.

**P**our premye fwa dan listwar Sesel, Prezidan Larepublik in envit en group zenn 'State House' pour en deba ouver avek li. Sa levennman ti organize pour komemor Lazournen Iniversel pour Zanfan. Bann zenn ti ganny sans demann prezidan bokou kesyon ase direk konsernan son plan pour ledikasyon, lalit kont drog e kwa ki son gouvrenman i annan pou ofer bann zenn. Alafen seans ki ti ganny difize an direk lo televizyon e

radyo, bann zenn ti eksprim zot lapresiasyon pour sa leksperyans inik dan zot lavi e dan lavi nasyon Seselwa.

Gouvrenman LDS dirize par Prezidan Ramkalawan in toultan angaze pou investir dan lazenes Seselwa e sa lalit kont drog i vize spesifikman pou prezerv nou la-

## Investing in Youth

**L**DS holds firmly to the commitment of allowing young people all the possible opportunities for development. Our manifesto has placed particular emphasis on measures to deliver on that commitment. This is not only for the benefit of young people themselves but for all of us and for our country in the future. The following objectives outlined in this manifesto apply particularly to young people.



### ❖ Raising Standards in Education

Young people will be the direct beneficiaries of our goal to improve achievement in education, especially in subjects that provide the foundation for skills required for the modern economy.

### ❖ Rewarding Jobs - Doing business

Our goal of shaping a dynamic economy will provide opportunities for rewarding jobs and promoting business entrepreneurship through which young people can build their future.

### ❖ Support for ICT Business; Bringing down data cost

# Lopozisyon nepli defann lenterere malere

**D**eba lo merit bidze in fini me en keksoz i reste byen kler: lopozisyon in deside pa siport sa bidze. Zot aksyon pour vot kont merit zeneral bidze i refleksyon latitud lopozisyon pour zis obzekte tou keksoz ki gouvrenman i fer. Sepoutan sa bidze i fer provizyon pour adres tou zot bann demann ki zot in avanse dan tou bann konferans de pres ki zot in fer pandan sa dernyen lannen.

Lopozisyon in pas zot letan pour esey konvenk Se-

selwa ki gouvrenman dirize par LDS in kontnyelman koup sipor anba program lasistans sosyal enkli aret donn sipor 'carer' plizyer dimoun aze. Tou sa bann alegasyon i fo e bidze in demontre ki US ti pe zis plennyen san okenn rezon. Annefe pli gran porsyon bidze 2022 i prezizeman pour bann program lasistans sosyal swivi par ledikasyon e lasante.

Lefe ki US in vot kont merit sa bidze i demontre lipokrizi ki ekziste dan sa kan. Zot largiman se ki an 2008 ler zot ti o-pouvwar e negosye

programm avek Fon Moneter Enternasyonl zot ti garanti ki bann program sosyal gouvrenman pa ti ganny touse pou asire ki bann ki dan bezwen i ganny asiste. Sa bidze propoze par gouvrenman LDS i demontre klerman ki bann program sosyal pa'n ganny touse ditou par laranzman avek Fon Moneter Enternasyonl. Akoz alor eski US in deside vot kont merit sa bidze prenan kont ki tou zot demann in ganny akonplir?

Larepons i senp. US i mank senserite dan tou sa ki zot fer.

Zot in demontre ki lenterere bann dimoun pov pa ti zanmen enn zot priyorite. Zot zwe sa kart zis pour ganny senpati bann ki pli pov an espri. Ler zot in vot kont merit sa bidze, zot in annefe pe anvoy en mesaz pou dir ki zot pa enterese defann lenterere bann ki mwen privelezye. An realite zot pe dir ki Seselwa mwen privelezye pa merit ganny pli gran porsyon bidze anba bann diferan program sosyal. Sa i malere. Zot zis oule fer lavi gouvrenman difisil; konteni bidze pa enteres zot ditou menm si byennet bann zanfan Seselwa i garanti anba sa bidze. Se sa latitud ki en parti politik ki voras pouvwar i annan. Listwar in montre ki zot a menm servi vyolans pour vin o-pouvwar.